

# LAI SIANGTHO HOLIM NA

Volum.14

Rev: Suan Khan Thang (Mualpi-Tonzang)

Motto: Matthew: 18:20

mail to: suankthang@gmail.com

Date: 17/ 3/ 2013

Gamlakvakna 20:10-13.....

## **Mosses Kanan Gam ki en sak (Pasian phunsan khak loh ding thupina)**

Nau ngek suak tuung meel hoih neih ding hak sa hi. Pawl khat lip nei phiat phuat in ki huai mai hi. Pawl khat a nu gilsung a om cil pan a nu in nat pih pah hi. Nat tun vei vei khawng nau ong suah ciang hoih si set khol lo hi. A poi liang kei leh lungdam huai hi. Mosses bel a suah tung pan cidam siseuh in kha 3 sung lau pi pi a ki sel zel kawm kal ah hoih sieuh in kha 3 khit zawh ki sel zo nawnlo in a sel na phai lak ah Pharaoh tanu in mu hi. Bang ei tam, ci aa a et uh ciangin nau ngek san sih seih a ngaih huai a deih huai na hi mawk hi. Pharaoh tanu mit la pah a hih manin ka tapa ding ci lian hi.

Igypt pilna khem peuh ki sin sak hi. Kum pipa tapa, a kimu hi. Igypt pilna te neu et di hi lohi. Pyramid lianpi te bang ci tuah hiam cih ki thei zolo hi. Maths lak a Theorem te, Theory te Igypt pil na vi ve hi. "Mummy" kici misi muat theilo a ki bawl na zong ki theih khiat sak zo lo hi. Joshep in a pa Jacob (Israel) a sih ciang in muat theih lohna sun sak in Igypt mite kha 3 sung kap ci liang.. Tua pilna lamdang khempeuh mosses in sin in a qualify sa hi.

Kum 40 a phak ciang in a mi pihte om dan en ding in nasepna mun va pai hi. A mah suak ta taka a vak hial hial kawmkal ah a mipih te ki nen niam na ki bawl siatna va mu hi. Igypt mi pa khat in a mipihte na sat gawp hi. A mah zong mi muh loh kal ci in a Igypt pa that in sehnel lak ah phum suk hi. a ziang ciang a mite a va et kik ciang in a mipihte nih na ki tawng in na ki sawk puat uh hi. "Ei le ei buang lawm te' a cih leh a zani a, Igypt mi a thah pa tawh ki tawng mi pa in "nang thu khen ding in kuan hong cial ai hia, zan a na Igypt pa thah, police te ka gen deh" ci zaw mah lai hi.

Mosses zong Igypt gam pan tai khia in, midian gam siampipa khat va bel hi. Gal tai kimlai zi pil sil sel khat nei in a sung te gan cing peuh in va om hi. A gan cin na pan Pasian in a mite Igypt sal tanna pan a pii khiading in khauh sap hi. a khauh sap pi mah in kimuang lo lua a hih man Pa-sian a nial tan tan ciangin Pasian heh in that dek tak hi. Pasian in na "sang gam pa Aron in mipigen lel ding a na sang gam pa tawh ki thua ding hi teh" ci hi.

Pharaoh kiangah ka mi Israel te Pasian bia ding in hong pai sakin, a va cih uh ciang, "Israel mite pai sak a, pasian thu ka man ding Pasian kua hiam? Na sem nuam lo hi uh teh ci in a nasep uh avan pia nawn lo in zong tawm sak in, a sep ngei zah mah ngah ding thu pia hi.

Pharaoh in a phal mateng in Igypt te tung ah gim na ban ban tung sak to to in, a gimna teng bei peuh leh lung khauh kik in paisak nuamlo uh hi. A tawpna ah paisak loh pha mawh zah dong ding in innlu si in zan kimlaitak in a ta upa pen te uh si ciat hi. Man lang in pai sak ni, pai meng meng uh hen a cih uh ciangin Igypt pan in ding khia ngei ngai uh a, a pai khia uh ciang lah i nasepte pai leh kuan na ong sep sak nawnding ci-in delh tan tan kik uh hi.

San tuipi ah Mosses mawh sak in, Igypt gam han omlo hiam? hi lai ah hi bang tuak ding nong pai pih ci in mawh sak ngei ngai uh hi. Mosses in na khut me nangawn uh tang sak se dah un, khut zep sa in Pasian na sepna en hit hiat lel un ci in lung duai tak in dawng zelhi.

Kum 40 sung manah tawh Pasion in vak hi. a nek cil lai un lim sa lua in huai ham mah mah napi a kham uh ciangin hi bang lel tak ci in phunsan zel uh hi. Mosses aw, Igypt ah sabeel phung ah duh bang bang ne a, tang mai khawng, kai suan khawng duh bang bang ki ne, hih lai ah nong pai pih mah mah ci in phun zel uh hi.. Sa duh a a kah liang uh ciang in Pasion in kha 3 a a gaih loh ding van pan in vasa sa khiat hi. A tawmpen a khawm pa in a phek keu khiat ciang in bem 10 khol hi.

Tui duh in a om uh ciang Moses phun san uh a, Pasion in lei kkuat liang a thu nget bua bua za khol lo na pi, tho puan nuai a phun suau suau za sit set hi. leh dona lung sim vom a a phun den uh ciangin "Pasion in" hih mite sumai ning in nang na hih leh hong pah tawi ning a cih ciangin "hih ka mite na suk mang sangin vantung min khumna lai pan ka min phiat in la ka mite a mawhna maisak in ci in a luang kha in toopa na kun hi. Mite phunsan na langpan na hangin puul natna a tung ciangin moss le Aron ki thawi in paknamtui beel la in mite lak ah a pai uh hi. Mite lakah paia Pasion sinsona a kham man un Mosses leh Aron tung ah Topa lung kimlo in Moss Nebo mual ah pai in kanan gam gal et sak in tua lai ah si hi. Aron zong tua bang mah in mual tung ah si sak hi.

Mosses bang a makai lung duai a mite a ding a ki kham ngam a itna nei, mite tung ah si-amna Pasion thu pha piak hih theih na (Power) lak vet lo a, ki lang pan mah ta leh lung duai tak a gen ngeu ngeu lel , Hi zah ciang lung duai pa nangawnin Meribah tui phual ah kam guh them khat a pau khak ziau (Gamlakvakna 20:10-12) pen Canan gam tung lo in gal muh bek za zen. Pai 1-18, Gamlakvakna 11-14